

3.2 IZBOR UNOSNE MASKE

Prilikom **upisa novog člana** ispiše se unaprijed definirana unosna maska koja predstavlja samo "okvir" za unos podataka o članovima različitih kategorija. Ukoliko unaprijed definisana unosna maska ne odgovara kategoriji člana kojeg želimo upisati, možemo iz spiska definisanih unosnih maski izabrati neku drugu. Pritiskom na tipke **PF4** **KP-** (v. komandu *TYPE*) ispiše se spisak svih definisanih unosnih maski. Masku izaberemo tipkama **↓** i **↑**, a izbor potvrdimo tipkom **RETURN**.

Unosne maske prilagođene su kategorijama članova koje upisujemo. Za svaku kategoriju članova možemo definisati posebnu unosnu masku, a isto tako jedna unosna maska može omogućavati upis članova različitih kategorija.

Ako su oznake unosnih maski izjednačene sa kodovima kategorija članova, u unosne maske nije uključeno polje za unos kategorije člana. No kada se oznake unosnih maski razlikuju od kodova kategorije članova, u svaku unosnu masku obavezno je uključeno polje za unos kategorije člana. Na taj način možemo u okviru izabrane unosne maske upisivati članove različitih kategorija (npr. za upis članova kategorija 004 – studenti (redovni) i 005 – studenti (vanredni, uz rad) definisati jedinstvenu unosnu masku "studenti" odn. za upis članova kategorija 001 - predškolska djeca, 002 – osnovnoškolci, 003 – srednjoškolci i 004 – studenti (redovni) definisati jedinstvenu unosnu masku "omladina").

Kategorije članova jedinstvene su za sve biblioteke, pa su zato definisane kao globalni šifrnici (v. Dodatak C.1: Spisak kategorija članova). Oznake unosnih maski, međutim, definisane su kao lokalni šifrnici CODE 300 kojeg mogu održavati korisnici sami komandom *EDIT CODES*, ukoliko imaju odgovarajuće ovlaštenje.¹

Pritiskom na tipke **PF4** **KP-** možemo također mijenjati postojeću unosnu masku za već **upisanog člana**, ukoliko ova više ne odgovara novoj kategoriji člana (npr. član koji se upisao u biblioteku kao đak, zaposlio se, a za unos kategorije zaposlenih definisana je posebna unosna maska).

Nakon promjene unosne maske pohrane se samo oni podaci o članu koji su zajednički jednoj i drugoj unosnoj maski. U polja koja su u novoj unosnoj maski dodana, upišemo podatke i zapis pohranimo.

Zapis možemo pohraniti i odmah nakon promjene unosne maske, ali prije pohranjivanja moramo uvijek na odgovarajući način promijeniti vrijednost u polju 'Kategorija'.

¹ U lokalnom šifrniku oznaka unosnih maski (CODE 300) korisnici mogu mijenjati samo nazive unosnih maski, a njihove kodove ne smiju mijenjati!

COBISS/Izposoja (Odd.01)	Izpis šifranta	18.07.1995
		Tip 005 - Študenti
Upisna številka člana_____: 0100005		
Priimek in ime_____: BUDA ALBIN		
> 004 študenti (redni)		
		1/1
Ulica in hišna št._____: Dobja vas 106		
Poštna št. in kraj_____: 62390 RAVNE NA KOROŠKEM		
Občina_____: 103 RAVNE - PREVALJE		
Telefon doma_____:		
Ulica in hišna št. začas. biv.:		
Poštna št. in kraj začas. biv.:		
Občina začas. biv._____:		
Telefon začas. biv._____:		
Fakulteta_____:		
VIP/smer_____:		
Letnik študija_____:		
1. interesno področje_____: 13 Ekologija		
2. interesno področje_____: 12 Naravoslovje		
3. interesno področje_____: 14 Zdravje		
4. interesno področje_____: 16 Urtičkarstvo		
		1/2
Datum zadnjega obiska: 08.06.1995		

Slika 3.2-1: Određivanje kategorije nakon promjene unosne maske kod člana

Upozorenje:

Poseban slučaj je unosna maska 126 (126 – Jedinice za međudjeljenjsku pozajmicu), koju ne možemo zamijeniti sa drugom unosnom maskom.